





白沙先生文編卷之二

澄海唐伯元

編次

廣安姜召

休寧范涑

孟津王价

溫陵郭惟賢

婺源汪應蛟

折純似老杜

章法七言亦然

五言律詩

虛實委婉變化曲折純似老杜  
觀者須先看其章法七言亦然

校梓

新年

今日勝元日。江天乍放晴。呼瓶汲井水。煮茗待門生。山鳥鳴將下。梨花暗復明。所嗟人易老。况復歲華更。

止客宿

為恨開年雨。江村馬跡稀。諸君能枉拜。今夕不須歸。歲



酒堪投轄人家欲掩扉仍聞僕夫語畏逐駿蹄飛

石門

白髮非公事扁舟進此門山雲寒不雨江路曲通村玩世吾何有長途馬不存晚來堪一醉江月照空樽

對鶴

吾晚病兼貧麻衣穩稱身朝來參兩鶴花底作三人日出東南雨鶯啼宇宙春三盃下衫袖拂拭舊龍唇

懷古次韻王半山

三徑五株柳孤村獨板門先生正高臥衆鳥莫交喧晉宋當時改乾坤此老存手中一把菊秋色滿丘園

相逢踈柳下賓主兩忘言處士乃無履江州初到門頭入茆宇散髮對金樽長揖朱轡別狂歌向小園

卽事前四句却  
是論學

龍溪一片水何處是真源沉吟搔白首竚立向黃昏宿鳥爭投樹歸午漸滿村少年誰氏子歌吹隔江繁

四月

四月陰晴裡山花落漸稀雨聲寒月桂日色暖醺醺病起初持酒春歸尚掩扉午風吹蛺蝶低趨乳禽飛

初秋夜

四時相代謝已度一日秋風吹露下葉月照水邊樓



堯舜今當御。巢由竟媚幽。山靈邀夢去。昨夜又羅浮。  
即席賦

夕風夕微涼。池塘散月光。呼兒看酒具。待客飲江鄉。月  
對歌筵徙。風拖舞袖長。人生行樂耳。歸棹夜相將。  
盆池栽蓮至秋始花

栽種已後時。花發秋將遲。雖無女伴採。亦有山蜂知。葉  
稀因地力。香遠是天資。安得三閭手。臨軒賦楚詞。  
秋露開炎萼。非時不遺誇。盆中玉井水。溪上春陵家。酒  
醒涼風發。詩成缺月斜。願爲若耶叟。種水作生涯。

春興

野晴花簇白。山暖樹更青。外酒醉欲睡。午風吹又醒。閑  
拈曲江句。勝讀法華經。自在山窓下。跏趺趣已冥。

晨起

羣雀曉啾啾。閉門春事幽。下牀花到眼。招手鶴朝頭。永  
日還書卷。衰年但酒甌。醉來江柳下。咲引子陵鈎。

早起

推枕起新晴。披衣向小明。坐忘新病減。夢少夙心清。軋  
軋開隣戶。蓊蓊殺縣更。跛如呼具盥。旋起繞花行。

晚晴用前韻

蛙鼓報將晴。山窓晚更明。春隨天共遠。人與鶴爭清。稍



稍鶯歌至。番番花信更。朝來芳樹底。果作探花行。

春懷次陸放翁韻

江發溶溶綠。山開面面青。春風何氣力。吹動綵雲亭。時物歸春雨。交游散曉星。十年江海夢。誰道不曾醒。

雨坐

一切除此則非別傳之意矣

風雨坐前楹。關關雙鳥鳴。正當落花處。更作送春聲。大化歸無極。斯人樂久生。不知川上水。東逝幾時停。

樹穴蘭

樹穴疑生理。花開不記年。靈根那藉土。芳氣直薰天。瘦比食芝老。清於辟穀仙。平生誰得見。雲嶠但蒼然。

德慶峽是年大水舟行不由故道

客路一千里。羊腸百八盤。時時行樹杪。往往異人間。竹纜牽江暝。絺衣入峽寒。倚門應盡日。誰與報平安。

和尚石

舟楫行天上。斜睥卷浪花。迴流忽吞吐。鳴櫓極嘔啞。便可通星漢。還堪著釣槎。雲根僧一個。疑我不袈裟。

月坐

一生心事如此

林深月到遲。愛月坐成癡。平生不戚戚。衰老尤嬉嬉。曾西卑管仲。孟子述宣尼。何事由求輦。區區欲有為。

懷古

是做康節體



皇皇復皇皇。開闢到陶唐。遲日江山麗。春風花草香。問閻盡孝弟。簡冊無禎祥。乾坤十二會。巳午在中央。

春日書事

開年今日雨。踈柳小塘春。紫燕將歸社。黃鸝欲喚人。未明事南畝。選日聘西賓。元亮朝朝醉。江村白酒新。

春日醉中言懷

古人不可見。空見古人心。春風開我眼。流水到誰琴。無說可傳後。何才敢議今。玉臺花信少。扶杖更西林。

與客談詩

風雅餘三百。唐音僅幾家。夢猶將影說。癢莫隔靴爬。豈

是安排得。胡為孟浪誇。超然不到處。應是用心差。

久雨

樹隱雲深黑。籬崩水亂流。凌風快燕子。上壁定蝸牛。老更憐兒病。人多為草憂。朝朝稽叔夜。誰辨不梳頭。

野坐

團蓋青松午。重裯綠草春。野晴鶯得意。花盛蝶傷神。斷靄生西塢。殘潮下暝津。竹根酣共臥。不覺蘚粘身。

寒雨中作

有期久不至。旦旦問童奴。雨過荆扉濕。風回樹葉疎。興移剡溪舫。詩在灞橋驢。風韻今誰繼。千年勝事虛。

純用便語乃覺雄蕩



秋坐碧玉樓偶成

造次中秋過。商量九日來。詩將秋景淡。菊共老人開。時節陶潛醉。江山宋玉哀。平生滄海意。不受白鷗猜。

春日寫懷

水際尋芳去。花枝隔水新。可憐今日望。不是向來人。紫袖垂垂下。黃鸝樹樹春。東風天外至。南岳夢中身。

春日偶成

菊殘猶可對。人老不須嗟。水閣風低柳。山籬雀啄花。千門盡桃李。十畝未桑麻。大禹須治水。顏回却臥家。競長家家柳。齊開陣陣花。春添新富貴。人老舊煙霞。歌

枕黃鸝。近開窓。白鳥斜。草玄無意緒。呼酒對侯芭。

病中詠梅

去歲誇身健。尋梅到幾山。酒傾崖影盡。衣染露香還。北斗今何向。南枝半已殘。下堂兒女笑。老脚正蹒跚。

與客

客訪貧家少。連旬幸作東。笙簧都萬籟。俎豆亦千峯。冠帶迎人懶。情懷傍酒濃。白頭君莫笑。醉袖舞春風。

四月廿七日五鼓起索衣往來房戶間失脚仆地。傷面咎在不謹亦久病氣弱之一驗也。詩以自悼。脛骨衰無力。顛危剛莫支。少年非一蹶。今日獨多悲。形



模甘老醜。面目對人疑。呼兒教滌血。不忍報慈闈。

飲陂頭

入崦花叢密。遵陂石路高。柴門過午飯。村老對春醪。水  
白都如練。風清不作刀。自然五字句。非謝亦非陶。

春興追次后山韻

萬物各得性。天開一歲春。風柔翻弱羽。波暖躍纖鱗。穉  
柳初成趣。芳芹亦賞新。川雲將嶽雨。何者不供人。

社西村

孤村比屋靜。踈竹小塘幽。何處還三徑。如公也一丘。晚  
田行布狗。春草散鉤輞。汲澗誰家女。金櫻插滿頭。

結茅依里社。村以西名客。至惟談稼年。衰不入城隣。

鷄上樹宿。水鶴傍人鳴。向晚尋牛去。前岡笛又轟。

秋晚

皎皎月又缺。鮮鮮菊可收。汀雲迷島嶼。山雨落扶留。市  
有屠牛杙。江連邏吏舟。恐無賒酒處。垂白對清秋。

苦熱

晚涼慰我渴。秋暑著人煩。拄杖緣溪足。看潮到柳根。哦  
詩衰骨痛。開卷病眸昏。六月飛雲冷。相思只斷魂。

晚步

水國秋先至。江村晚更幽。泥筌收郭索。山網落鈎輞。涼



入社門樹陰連渡口舟獨憐經略地吾得放歌遊

太夫人晚歸攜諸孫候於貞節橋下

寒花明隔塢暝色欲歸潮未愁山路黑莫放板車搖  
耄耄供人事兒孫候此橋殷勤望西崦風急暮雲飄

枕上偶成

翰苑無官府蒲團了歲年岩雲交樹白水月印沙圓懶  
甚陶元亮閑於魏仲先吾曹生分薄於福敢求全

春日江村二首

時候花先覺陰晴鳥自知登山嫌避客得句樂呼兒  
蔓草披香徑垂楊覆淺漪美人期未至江月幾盈虧

草帶籬腰綠花簪石頂紅林園開書景鶯燕語春風山  
靄霏霏合江流渺渺東獨來橋畔路高挂過眉筇

病疥用后山韻寫懷

呻吟不盡痛夕枕傍慈幃安得身長健朝朝見綵衣無  
膚醫奄赤乍腫臂疑肥睡過西廊月寒空淡不輝  
病枕愁更永籠燈對夜長千年無鮑叔一懶有柴桑兒  
請栽瓜地妻評作麩方花時呼酒伴酩酊出扶墻

雨中栽竹

心被清虛引非關索竹看檐前纔數箇淇上已千竿微  
雨土初覆北風天正寒昆丘有孤鳳何處啄琅玕



次韻遊上游黃雲山

繫艇黃雲下。黃雲幾度歌。登高雲壓帽。度密雨霑蓑。瀑澗宵鳴瑟。山花晝擁羅。野人携茗榼。路打鐵橋過。

題新村書齋壁

日色催江渡。潮痕上石梯。趨墟村婦出。索哺襁兒啼。樹接黃村塢。船移白石溪。落花誰省記。何必武陵迷。茅棟依岩靜。柴門洗竹通。桑榆巷南北。烟火埭西東。一逕漁樵入。孤村井臼同。隣家得美酒。吹笛月明中。

是夕范生小酌

日月雙輪轉。乾坤一氣旋。是時冬始閏。細雨夜如年。人

語斜風外。天機落葉邊。憑誰給燈火。更坐讀殘篇。

至容貫宅

在昔偶相遇。如今共白頭。敝衣寒露肘。破屋早知秋。家業憑觚翰。厨烟管去留。老翁如辟穀。與子入羅浮。

寄胡寧壽康齋先師之甥

年華當轉鳥。詩思更塗鴉。父子皆吾友。箕裘一舅家。人猶思嶺北。書不到天涯。莫作妻孥計。浮生日易斜。

吳村吊莊節婦墓

豺虎何由近。風濤浩若無。行人看墓榜。英爽在清都。江暝雲長合。原寒草不枯。乾坤不朽事。持此報君夫。



贈謝德明有事赴廣還

月落五仙城。天空一鴈鳴。離愁動江色。歸纜解鐘聲。鷺  
應船謳起。溪尋酒幔行。經過不買醉。貪嗅早梅馨。

有傳羅一峯觀化

悲風何處起。散作斷腸聲。乘彼白雲去。湖西問死生。四  
海方懸仰。一峯何可傾。平生不下淚。今日盡沾纓。

問訊南川子。

林光也。

金牛有是非。憂為妻子地。淚濕故人

衣。歲晚流言惡。天涯信使稀。西風吹落葉。故故傍愁飛。

聞方伯彭公上薦劄

當時尊孔孟。用世必詩書。夫我何為者。先生非過歟。長

歌扶晚醉。短髮向秋疎。坐惜籬前水。垂竿試釣魚。  
骨相合長貧。岩栖累十春。忽傳邦伯疏。見笑北山神。伎  
倆只餘子。行藏獨老親。古來稱水鑑。誰是鑑中人。

答惠州鄭別駕惠葛布

惠我一疋葛。縫衣笑不奢。賦詩酬別駕。愛酒典隣家。獨  
酌秋風裡。浩歌山月斜。醉魂不覺遠。臥探惠陽花。

家兄携秉常看山予病不能往

行色千崖裡。風光三月中。山家愁酒少。造物愛詩工。好  
鳥簧為韻。新花錦作叢。吾能騎瘦馬。不惜遠追從。

至陳冕家



遠樹晴堪數，孤雲暝欲遮。自憐江海迹，能到友生家。落日明江色，輕風動麥花。相看吾鬢白，不必問年華。

吊李九淵

水竹更新主，風花失故權。夜臺無起日，春草自流年。萬有終歸盡，千秋不必傳。倒巾此相對，只有玉臺山。

德慶州舟中呈伍南山

江漲麻墟雨，天低德慶城。正當擊楫處，空有結趺情。入夏尋雙井，沿流到七星。同行鄒道士，勸我學長生。

南歸寄鄉舊

家在桃源裏，龍溪是假名。蕉衫溪女窄，木屐市郎輕。生

酒鱖魚膾，邊爐蜆子羹。行窩堪處處，只少邵先生。

碧草東西埭，黃鸝遠近山。岩春花氣足，簷日鳥聲閑。文

字虛堆几，園林不設關。一條煙際路，朝往暮來還。

江邊逢野叟，叉手問官名。立雀黃牛近，啣魚白鷺腥。西

田餘故宅，北崦多新塋。駐馬斜陽外，悽然感廢興。

自愛愚公谷，誰過野老家。時依當戶竹，閒數上墻花。鳥

立溪槎靜，牛爭崦路斜。懷中嬌小女，學語解呼爺。

寄太虛上人

前首絕類盛唐後首非別傳不能到

太虛石洞居，孤絕少人依。遠客携琴至，逢師乞食歸。一

蒲青草上，四面白雲飛。盡日無言說，岩花落滿衣。



定山聊作主。石洞更無隣。勸我無多事。如公是一人。朝  
聞履虎尾。莫見批龍鱗。莫笑楊朱小。楊未解愛身。

九日寄丁明府

病裡登高意。村邊社樹蒼。有歡開酒禁。無力控詩狂。老  
病簪花醜。秋襟水照涼。如何丁明府。不肯共重陽。  
菊節後五日丁明府彥誠携酒來飲白沙社賦補

會

秋色上。籬尖天。高霜氣。嚴對花無阿堵。笑我似陶潛。節  
去杯盤在。公來吏隱無。江門賦補會。勝話無窮年。  
百里非無地。東籬不借人。因君九月愛。傾此一杯春。菊

謝人間世。官閑酒處身。想無厭花意。投轄暮江濱。

陳方伯耻菴挽詩

中年倦俯仰。上疏乞山林。黽勉南州牧。遲回北極心。民  
蒙三日雨。世病一鈞金。殄瘁聲悲處。龍蛇歲直今。

崔清獻公裔孫潛示遺芳卷復許示遺像予既書  
紀夢之作於其還也贈之詩

積雨堦苔上。經旬斷履痕。誰爲門外客。公是菊坡孫。澤  
與流風遠。名因避相尊。丹青遺像在。何日照江門。

得林子逢書感平湖事賦此次前韻

平湖千里水。浣濯與誰同。咄咄諸魔裏。冥冥一夢中。支



離深歲月感慨極秋風點檢希顏處吾瓢合屢空  
同人未為失子不善為同宦况浮雲外生涯大驚中孤  
篙撐急水弱羽試衝風佛者空諸有吾儒有亦空

秋興用前感事韻錄寄東所二首

秋露落芙蓉河山日不同物情詩卷裏天道雨聲中朝  
出馬愁坂暮行船逆風欲投雲谷隱鞭鶴上層空  
首陽非立異柳下不妨同歲月黑甜外乾坤軟飽中腐  
儒甘糲食烈士死長風今古誰能計賢愚併一空

寄張進士廷實

是詩難入俗正坐不雕鐫水滿魚爭躍花深蝶喜穿日

高雲臥處春在鳥啼邊不及陳無已能無賞自然

用前韻寄廷實

無才慵作吏有酒喜留賓老更耽高臥時還近俗人鐘  
鳴山寺遠月出土床親何處期吾子笙歌玉洞春

得張主事廷實書

持燭圭峯寺宵談僕屢更一為方外友都没世間情面  
僻僧猶在栽蓮社未成孤舟破危浪載月下東瀛

贈黎蕭二生別

度量胚胎二語比天地萬物一體意更渾淪沉着警悟學者

白髮孤燈坐青春二妙來若無天度量爭得聖胚胎至  
樂終難說真知不著猜濛濛煙雨裏歸思若為裁



再用韻示諸生

若說樂道便不是顏孟不及孔只為求放心此程朱最高議論乃开拓

出示人但孟言求放心求放心未嘗言求心也

賢聖低回。又千年想一臨。希顏非樂道。疑孟失求心。逸

駕行應速。寒泉汲務深。嘗聞根本學。不盡泰山岑。

代簡答府尊林先生慶老母生日

有母年齡暮。逢辰喜懼深。多儀安敢却。揣分故難任。錦

段拈香拜。仙醅洗觥斟。獨慚非節孝。未了百年心。

寄題小圓岡書屋和民澤

四野雲飛盡。圓岡一室清。至虛元受道。真意或逃名。有

疏微言塞。無為大業成。一聲聞絕唱。五岳看全輕。

贈李世卿

楚客復歸楚。青山此送君。往來十年破。精力半生分。著

意當時見。留情異代聞。若非真有見。何處謝浮雲。

三尺短春蓑。山風吹薜蘿。人材非管樂。吾道本丘軻。送

老諸名岳。全生一病窩。相思憑寄語。路打祝融過。

落日蒼梧望。浦風發棹謳。楚山正西上。江水自東流。作

伴春携酒。談詩月滿舟。洞庭看未透。更上岳陽樓。

題黃公釣臺

小小離人意。羊裘却未工。今人多白眼。為我謝黃公。弄

釣浮沉見。登庖撥刺空。浩歌泉石裏。况有古人風。



曉枕示湛雨翼日高

萬年如一瞬。莫問我浮生。風雨將秋至。山河載月明。語  
簷幽鳥樂。對竹小童清。夜夜湘江夢。與君何日行。

彭司寇挽詞

男子固多奇。如公更不疑。經綸思昔日。功業問當時。鬼  
幸村巫小。棋還國手知。杜陵秋月下。興盡八哀詩。  
斗氣空遺劍。牀燈不照檠。春懷不自得。老病忽相尋。事  
往浮雲夢。山餘宿草心。平生孺子意。絮酒一何深。

鄧御史公輔寄新刻陳君舉論孟古義復以是詩

兩漢非三代。人才逐世低。市朝多畫虎。文字笑醯鷄。古

義昭昭對。終篇短短題。不因歐六一。爭得見昌黎。

贈陸醫士左明府遣來

山雨睡初醒。門前報陸生。持來王氏藥。重是長官情。分  
付一杯茗。剛勞幾日程。小詩何足謝。聊以著佳名。

聞陳宗陽湛民澤欲過江門遇颶風不果用張廷

實韻寄之

斬蛟須射虎。水石敢誰欺。老夢不知遠。客來何怨遲。千  
休千處得。一念一生持。衰白如曾見。斯言或可依。羅文

白沙先生詩云。千休千處得。一念一生持。于千休之  
中而持一念。正出萬死於一生者也。今言休而不提  
離一。念便涉。莽蕩必不能休。言念而未幾。千休便涉。支  
離亦非真念。若不知念。則亦無所謂能休者。能念不



期休而自休矣

登陶公壯哉亭

新亭開石窟。遠勢借崑崙。天地雙眸迥。滄溟一口吞。公來席不暖。士死廟長存。憶昔干戈際。南征萬馬奔。

辱和拙作見示九日醉中再次奉答

激楚嗟難和。霓裳更可同。更闌朱鳥下。聲斷碧雲中。稍歇霑花雨。還吹落帽風。萬松期不至。半偈欲騰空。

蓬萊山祭伍光宇墓

道骨成仙。蛭名山是閩。丘雲中騎。款段天上叫。輶輶人。世黃梁熟。吾儕白髮秋。仍留一杯酒。何處酹金牛。

晝睡偶成寄玉臺僧文定

老脚春還短。名山夢每登。玉臺天上寺。文定意中僧。得法休藏鉢。傳心信有燈。道人拄窓下。一枕一簪騰。

得林憲副待用書有懷故友張兼素歐水部對余言昔聞黃泰

泉先生云曾于見素卷中覽此作是書恨故人窮不知刻本何以不同也

蹇蹇張兼素。從君致匪躬。天來今日定。書展故人封。賈傳生還慟。湘纍死亦忠。平生兩行淚。萬里寄秋風。

寄容貫圭峯

西峯扶策上。病骨快新涼。乞米分僧飯。聞香過梵堂。閉門秋竹靜。語鳥暮鐘藏。浩浩蒲團上。還同在醉鄉。



落日荒臺上。踈松古塔邊。身休論出世。趣欲到無絃。峯閣初生月。渠通自到泉。西菴憑借問。許住過殘年。

春陰偶作寄定山

浩浩川流疾。冥冥嶺樹陰。共憐春錯莫。更覺老侵尋。宿雨衰花氣。朝陽絕鳥吟。誰能盡天道。俛仰此懷深。

喜梁文冠至

駐槩梅村夜。風光勝早春。直知花是路。不覺月隨身。草木皆知舊。江湖多賤貧。短蓑來往數。等是最閑人。

世卿將歸

會有還鄉意。深慙不自量。母留兒作伴。妻爲客求漿。臺

榜明朝旭松堂閉。夜涼延綠過殘夏。滿意泛蒲湘。

贈世卿別

客路經南嶽。湘帆背嶽開。江湖閑老夢。歲月是君來。相見兒童喜。別離琴瑟哀。惟應楚雲外。更起望仙臺。

聞林緝熙初歸自平湖寄之

短世淵明醉。長愁子美詞。高情誰復爾。久別公如何。淡月初出浦。好風來颺蓑。買田滄海上。耕亦不須多。

夢楊敷道定山事

夢語者爲誰。湖西舊見之。聊寬野老意。未了定山疑。貧病吾猶是多愁。俗豈知百年將滿日。心亂不成詩。



汪巡按見訪

嶺南經畧地。柱史不謀身。料理安危事。更張文武臣。風行先動草。寒極正開春。傾蓋江樓暮。揮杯勸故人。

五言排律

景雲田萌尾

蓑笠堪從事。少年農圃情。乘潮打兩槳。落日照孤城。山廟題詩過。汀鷗伐鼓驚。提携新耒耜。寂寞舊棋枰。挾被防春冷。攤書讀晚晴。兒曹依本分。吾道在躬耕。

旌節亭瓦雀

瓦雀喜亭栖。丹青意自迷。雨餘穿麗日。花底啣香泥。並

語聲全碎。追飛羽忽低。悠悠去繒繳。款款戀棧題。卵育非無地。兒群或引梯。慣行書案上。漸滿井欄西。不羨彫籠養。真堪畫卷携。由來親白首。那更避青黎。狎父如私。睨喧多類滑稽。行藏非社燕。飲啄溷家鷄。度嶺千回歇。排風幾寸躋。冥鴻於汝輩。滄海一涔蹄。

七言律詩

康節七言律亦學杜者到先生尤自渾成近王文成論學多效為之只得其前四句

與友約遊仙井

仙井會容雙眼到。病軀須着一筇扶。春風有客來相問。何日扁舟進所如。市道難交終索寞。幽居擬卜只虛無。憑君寄語山靈道。欲傍啼猿借一區。



自斗岡還至汾水江值暮

歸舟欲背南風發。別棧初開落日斜。杜曲寄聲憑驥子。  
是日景易武陵回首惜桃花。東遊西泛經旬日。揮翰留  
有信促歸詩到幾家滿眼却愁歸路黑。時從野老問江叉。

村中卽事

絕類  
老杜

山風處處聞松花。江市日日來魚蝦。高田一弓走獵犬。  
灌木幾株叢老鴉。正逢元宵市燈好。亦有雜劇村鼓撾。  
野老西疇急春事。長揖縣官歸縣衙。

宿攬山書屋

一片荷衣也蓋身。閉窓眠者乃何人。江山兩裏同歌嘯。

今古人間幾屈伸。長與白雲爲洞主。自我香樹作齋隣。  
山中甲子無人記。一度花開一度春。

醅醪將開值雨

相看無語只沉吟。蓓蕾枝頭已簇金。山雨不來昏晝景。  
東君容有妬春心。較量花品終何益。茫昧天機亦自深。  
明日陰晴還未定。一尊何急對花斟。

題閑叟

前村烟火熟朝炊。正是先生睡足時。身帶江山人在畫。  
目窮今古世爭棋。花邊擊鼓諸孫戲。竹下扶筇一鶴隨。  
應咲書生閑未得。白頭憂世欲何爲。



辭脩縣志

吁嗟文獻荒涼久。著述圖經長老宜。令尹高才應處分。  
病夫何者敢聞知。嘗聞司馬開班。范直似家翁。詔小兒。  
史體所關無大小。千秋麟筆寄宣尼。

苦熱

尋常衣汗濕青荷。爭奈連朝溽暑何。四象陰陽分老少。  
一年天地幾中和。水枯瓦沼蛙將徙。日炙山枝鳥不歌。  
一事傷廉非得已。竹林冰簟受風多。結語是堯夫

晝睡

林木蒼蒼鳥哺雛。江亭春與睡相宜。風花已遣新年醉。

氣候還增病叟癡。塵世悲懽忘處了。浮生日月夢中移。  
晨炊未熟無人喚。正是飛雲曳杖時。

夜坐因誦康節詩偶成

窓竹蕭蕭正晚風。溪星耿耿又秋虫。一瓢豈肯方顏子。  
千首將無有邵雍。恨月嘯花都大雅。為飛魚躍一中庸。  
無人不羨黃陳輩。高步騷壇角兩雄。

夜坐

羅文恭有夜坐詩十首蓋祖此又與友人書曰此白沙無心於言也信口拈來自與道合

雖欲靳之有不可得

半屬虛空半屬身。網縷一氣似初春。仙家亦有調元手。  
屈子寧非具眼人。莫遣塵埃封面目。試看金石貫精神。



此兒欲問天根處，亥子中間得最真。  
 不著絲毫也可憐，何須息息數周天。  
 禪家更說除生滅，黃老惟知養自然。  
 肯與蜉蝣同幻化，祇應龜鶴羨長年。  
 吾儒自有中和在，誰會求之未發前。

不寐

一飯不忘溝壑心，白頭冰雪更相侵。  
 妻烹野菜晨供飯，兒點松燈夜對琴。  
 賦拙任留司馬壁，碑成不賣退之金。  
 無端昏嫁相料理，獨聽疎更到夜深。

留別諸友

臺書春晚下漁磯，中歲行藏與願違。  
 鷗鷺自來還自去，

江山疑是又疑非，難將寸草酬萱草。  
 且着鶉衣拜衮衣，但得聖恩憐老母。  
 滿船明月是歸時。

崑崙西北是官陂，滅跡烟霞我自遲。  
 獨往恐逢江上雪，相思還寄隴頭枝。  
 風雲想見千年會，消息終還七日期。  
 總為高堂難離別，乾坤行道豈無時。

要服松花一大車，顛毛垂白齒牙疎。  
 非關聖代無賢路，自愛清風臥絳厨。  
 道上或逢人賣屨，眼中誰謂我非夫。  
 他時得遂投閑計，只對青山不著書。

釣渚風長裊故絲，水花含笑海鷗疑。  
 都将老子行藏意，分付東溟水月知。  
 自昔盡從巢許後，而今豈異帝堯



時憑君寄語張東所更與飛雲作後期

石門次林緝熙韻

孤舟昔繫飛來寺。白首重來十四秋。君看秋風吹彩鷁。何如老子坐青牛。留情世事終何補。得意雲山亦易休。見說夔龍滿朝著。九重應許放巢由。

回岐道中

回岐接水樹冥冥。又是朝京一日程。兩耳如聞重譯語。幾時不見五仙城。朝無兒雅歌行酒。夜有巡船臥打更。欲識羈情多少在。崑崙峰上白雲生。

揚州宿寶勝寺

傳有石刻不知何時過此集不載今補入

巢許夔龍不兩能。天涯去住任騰騰。他鄉此夜揚州月。春閣高歌寶勝僧。藥氣氤氳窓下枕。茶烟繚繞佛前燈。道人本是羅浮客。家在飛雲第一層。

南歸途中先寄諸鄉友

我家久住龍溪上。說著龍溪便有情。荔子不將梨闔美。沙螺休與蟹爭衡。江村婦女蕉衫窄。市巷兒郎木屐輕。漫興詩多誰和我。樽前忙殺馬先生。不分賓主共林塘。脫下朝衫作道裝。酒為老夫開甕盎。茗和春露摘旗鎗。津頭水滿鴛鴦下。墻背風來枳殼香。何處與君拚坐久。萬株花裡小菴床。



至日病初起

至日哦詩起坐床。梅花墻角爲誰香。暖臍一盞金櫻酒。  
降氣連朝附子湯。旋整巾裳還客拜。未堪歌舞趁孫狂。  
赤藤杖點廬岡石。向晚猶須望八荒。  
兩度書雲傍王臺。不才知幸乞恩回。梅花果解撩詩  
思。弓影何須落酒杯。四大形骸從老去。一年風日想春  
來。眼前不獨南枝蚤未臘。江桃也爛開。  
山人家世本陳搏。供奉何堪晚得官。菽水可寬垂老意。  
江山不比向來看。教兒別煮新年藥。問客能食老菜盤。  
欲上飛雲更何日。典裘沽酒掛驢鞍。

晨起將出尋梅

朝烟橫野犢鳴陂。索杖山齋睡起時。田父許留今日酒。  
梅花不欠去年詩。衝寒索笑來何處。帶病尋香出每遲。  
彷彿西湖夢中見。水邊籬落忽橫枝。

次韻丘大守見寄兼懷賀克恭黃門

昔從天上拜彤庭。一別官河幾度冰。豈有文章供  
史館。漫將袍笏對山靈。數株松菊猶三徑。兩棹風煙又  
八溟。欲寫漁翁寄廬阜。眼中誰解辨丹青。  
綠水青山置我曹。江西遼左一神交。短籬霜菊誰供酒。  
破屋秋風自補茆。勲業却歸窓下枕。行藏更問易中爻。



癡兒多病慈親老。不向清時歎繫匏。

元旦試筆

六載虛叨供奉恩。白頭吾亦兩朝臣。閭閻擊壤今弘治。簡冊編年又戊申。日色小薰穠李晝。風光欲醉乳鶯春。廬岡此景誰分付。也到江門不屬人。

天上風雲慶會時。廟謨爭遣草茆知。隣牆旋打娛賓酒。

稚子齊歌樂歲詩。老去又逢新歲月。春來更有好花枝。

晚風何處江樓笛。吹到東溟月上時。二時字前字。恐期字之誤。

偶成。論詩則沉頓雄渾亘古無倫矣。乃云窮經為障。又與糟粕非真傳意相發。苟不善觀。則不免其流。亦有弊耳。

免其流亦有弊耳。

秋月朗耀秋風清。漁翁自歌還自聽。却慙夜半留雙睫。

早為人間了六經。賢聖當為天下極。何人不共此心靈。

從前欲洗安排障。萬古斯文看日星。須與求心依舊落迷途。一首參看方

得其肯

六十一自壽

世間甲子是何年。母髮雙皤子亦然。十數曾孫羅膝下。

兩三杯酒笑燈前。尋僧野寺花迷路。吹笛江門月滿船。

聖主萬年歌不足。黃河清了鳳翻躔。

孤子今來六十一。慈親已過八旬三。旌書門外題新榜。

拭淚床頭換舊衫。少有菑畬供俯仰。不妨漁釣老東南。



些兒別作長生計。岩畔丹書有兩函。

春日偶成

蛺蝶飛飛花映窓。流鶯恰恰柳垂江。出牆老竹青十箇。泛棹春鷗白一雙。暖日暄風酣獨臥。來牛去馬亂相撞。江山指點非無句。誰致先生酒百缸。

再和碧玉樓韻

乾坤真妙此臺開。一一皆因造化裁。意了梅花難着句。眼空江海咲浮盃。未分無極源頭在。誰畫先天樣子來。碧玉樓中閑隱几。千千山遠又川迴。

次韻見訪

春曉不肩岩上扉。遶闌紅紫欲開時。花來勸飲誰禁得。天不能歌人代之。滄海匯為雙帶遶。青山高起百重圍。赤墀居士來相訪。袖取雲笏月下吹。

飲酒

酌酒勸公公自誦。三杯無柰老狂何。坐忘碧玉今何世。舞破春風是此蓑。一咲功名卑管晏。六經仁義沛江河。江門詩景年年是。每到春來詩更多。

追和劉文靖偶得韻

先生極喜文靖其推重如此  
三復遺詩有訂頑。月中顏色見松關。頭顱本自成三極。嗑吸猶堪塞兩間。老至不知何歲月。古來無恙此江山。



莫輕語默論前代。天與閑人賸與閑。

臥遊上游庄 湛民澤

上游洗足意如何。到我來時還放歌。秋半寫空迷菊酒。月明舞爛釣江蓑。閑將野馬為賓主。咲把山花當綺羅。人道上游真個好。上游固好遇人多。

黃雲之高高幾何。黃雲山人發浩歌。短響入雲白雪曲。長裙拖地赤藤蓑。黃鸝自愛藏深谷。野鶴高飛出罽羅。山路相逢休問訊。山靈掩口笑何多。

追次康節先生小圃逢春之作 余家藏先生墨跡有此二首諸刻第

三句以下皆  
逸悞今正之

時物紛紛共闕研。好春多在語鶯邊。緋桃園裏偏愁雨。綠柳梢頭更着烟。詩酒逢春聊復爾。江山到老只依然。行窩十二家家到。拚盡浮生未了年。  
小圃風物正暄妍。白白朱朱迥兩邊。折翅病蜂斜墮水。尋香癡蝶亂迷烟。典衣沽酒由來爾。買地栽花大抵然。安得此身辭藥裹。東遊西泛也年年。

弔崖山

天玉舟楫浮南海。大將旌旗仆北風。義重君臣終死節。時來胡虜亦成功。身為左衽皆劉豫。志復中原有謝公。人眾勝天非一日。西湖雲掩鄂王宮。



西南驛晚望

曉來花雨濕詩囊。晚上郵亭望大荒。南盡海旁諸郡淺。西來天上。一江長。漁歌落日還孤艇。樹隔啼鶯背短牆。料理憑高非一事。樽前誰與共平章。

秋江漫興

能傾瓦甌深深酒。不盡秋江短短篇。閑弄孤舟移白日。明開兩眼看青天。鷗遷遠渚眠何處。雲颭高風落此川。野老隔波頻問訊。可能無意向神仙。

浴日亭次東坡韻

殘月無光水拍天。漁舟數點落前灣。赤騰空洞昨宵日。

翠展蒼茫何處山。顧影未須悲鶴髮。負暄可以獻龍顏。誰能手抱陽和去。散入千崖萬壑間。

夢崔清獻坐牀上。李忠簡坐牀下。野服搭颯而予

參其間

清獻堂堂四百春。夢中眉宇識天人。報君西蜀青油幕。老我東籬白葛巾。萬里歸心長短賦。九天辭表十三陳。南風欲理增江棹。也借青山卜墓隣。

讀林和靖詩集序

廟堂不坐周公旦。到處山林有鹿麋。北斗收名千古獨。西湖送老一枰誰。鶴知好客來尋主。月為疎梅出併詩。



未肯低頭陶靖節掛懷身外五男兒

種樹

早雨山泥滑屐牙瘦藤扶路入雲斜東原綠映西原白  
一徑松連兩徑花寒夜試看殘月掛春風須着短牆遮  
江門亦是東門地我獨胡爲不種瓜  
長日山齋不弄棋只憑種樹遣衰遲小將梅逕分枳殼  
不怕松根奪荔枝帶雨烟光春淡泊隔牆花影晝離披  
等閑俗計休相聒拄杖來看又有詩

九日下廬山

秋風浩浩洗芳髮瘦盡千峰鴈始飛南海一波長不定

西山半面却疑非醉拈秃筆題蒼壁笑插寒花弄彩衣  
樂意滿腔推不去狂歌待得晚鴉歸

病中寫懷

世間賢智皆青瑣海上田家只白雲多病一生長傍母  
孤臣萬死敢忘君諸公莫要連章說先帝曾將短疏  
開何處擁旌來勸駕買羊沽酒惜殷勤

子陵

誰將此筆點行藏真有乾坤日月光三尺羊裘幾銖兩  
千秋龍衮共低昂客星天上何須急老脚人間不浪長  
留得先生在台輔不知東漢可陶唐



吊子陵

羊裘不返道終疑。玉帛雖來事可知。天下君臣光武詔。世間膾炙子陵碑。故人不改狂奴態。一事堪爲百世師。九鼎漢家從此有。聽歌山谷老人詩。

永豐劉景惠持吾亡友羅一峯事狀來訪白沙道。其尊翁程鄉宰肅菴願友之意留余館中數日贈以是詩。

偏宮秋晚謝遲回。林下齋扉不浪開。顧我敢辭千古述。故人真爲一峯來。風流想見雷封下。消息通傳雪浪堆。明發仙舟聞解纜。屋烏情在莫頻催。

予欲爲一峯傳而患無所本。其子梁撰事狀托程鄉令劉君肅菴肅菴以授其子景惠至白沙予將考其事實爲傳無所復辭。顧吾文凡吾懼不如司馬可傳之遠。景惠行復梁兄弟以詩用前韻。北海英風夢始回。誰將年譜到山開。忽驚落月神如在。却對秋花咲不來。雛鳳一群丹穴內。殘星幾點慶雲堆。春秋畫筆終難擬。天地斯文更著催。

羅一峯輓詞

今我何敢私一峯。百年公論在兒童。要知此老如君實。更恐前身是孔融。青天白日人千古。五典三綱疏一通。



天下何嘗乏知己。我言剛與定山同。

題莊定山詩集

春風一曲有霓裳。不落人間小錦囊。今代名家誰李杜。先生高枕自羲皇。乾坤兀兀中流柱。風月恢恢大雅堂。莫道白沙無眼孔。濯纓千頃破滄浪。

次莊定山清江雜興韻

家學華山一覺眠。圖書亦在枕頭邊。傍花隨柳我尋句。刺水殘山天賜年。竹徑旁通沽酒市。桃花亂點釣魚船。平生我愛孫思邈。自古高人方又圓。

次韻定山先生種樹

東嶺芳菲已碧桃。更移紅杏占西坳。每逢好雨扶筇看。不要先生抱甕澆。與一野僧吟懋石。無諸俗事坐持醪。不將物我來分別。觀化于今是幾遭。橋下流泉十丈窪。橋頭草屋萬株花。關關終日鳥鳴樹。歲歲春風人在家。何處三杯歌浦口。夜來一夢在天涯。尊前不見滄溟濶。浩浩還君一笑誇。

寄定山

影響驅馳等是勞。風流今古幾人豪。但聞司馬衣裳古。更見伊川帽桶高。岩徑無風松子落。翠屏終日白雲交。定山樣子從來別。詩變堯夫酒變陶。



次韻莊定山曲阜道中

曲阜之民如崇陽五畝之宅樹以桑大牢不驚天子詔  
百里豈負聖人鄉爭得綠蓑揮羽翼可憐白髮來羨墻  
先生也未忘洙泗獨立源頭一詠長

次韻莊定山謁孔廟

六經如日朝出東夫子之教百代崇揆之千聖無不合  
施之萬事無不中水南新抽桃葉碧山北亦放桃花紅  
乾坤生意每如是萬古不息誰爲功

游心樓爲丁縣尹作

城外青山樓外城城頭山勢與樓平坐來白日心能靜

看到浮雲世亦輕高閣祗宜封斷簡半年方許讀西銘  
乾坤一點龍門意分付當年尹彥明

立春日呈丁縣尹

浮生五十五回逢青帝來朝駕自東草色向江先自綠  
桃花臨路爲誰紅高堂滿獻曾孫酒小邑初移令尹風  
身著斑衣啼又笑老來真個是兒童

丁縣尹惠米時朝覲初歸

病叟山中觀物坐長官天上帶春回琴堂未必淹三  
考村醕猶堪共一杯彩翼雲霄看得意白頭供奉愧非  
才如今單父無裨補分俸何須到草萊



讀丁知縣行狀申文後

州里懽騰此郡推。揮毫今徹九泉知。古來士論都元氣。天下人心自秉彝。太史書須凡例定。桐鄉愛是長官遺。憑君更向郊原問。怕有人間未采詩。

重贈張詡

風雨何人來款扉。滄江烟艇疾於飛。正將白首憐傾蓋。不管春泥得上衣。詩句與君爭出手。酒盃中我自忘機。傷心萬里滄溟水。又逐長風破浪歸。

聞張廷實謝病歸寄之

老夫衰病託滄溟。不道滄溟亦有爭。正是黑頭堪入仕。

初登黃甲最知名。君當出我一頭地。我更期君萬里程。聞說朱明丹已熟。扁舟同作訪醫行。

次韻張廷實謝病後約遊羅浮見寄

滄波共擬一桴浮。欲所扶桑作釣舟。箕穎舊知堯舜大。留侯初伴赤松遊。空中鶴爪擎雲上。橋下泉聲洗鐵流。却憶平湖林縣博。僊山從我竟何由。

館廷實進士於白沙社率爾成章兼呈丁明府

壇有青松埭有花。煙籠寒水月籠沙。人間何處堪棲鳳。歲次今年正屬蛇。樹杪看山橫半面。水邊尋路入三叉。高軒若肯終年住。應沒閑愁上鬢華。



次韻廷實示學者

此詩却分曉乃知先生學歸重處亦未易言

樹倒藤枯始一扶。諸賢為計得無粗。閱窮載籍終無補。坐老蒲團亦是枯。定性未能忘外物。求心依舊落迷塗。弄丸我愛張東所。只學堯夫也不孤。

焦春元竝為余說舊本學是覺字妙

次韻張廷實舟中寫興

好月江門客未眠。水風吹冷綠楊烟。望窮碧海三山路。興滿羅浮七洞天。勢利可能驅我輩。路人剛道是神仙。千峯不語留君醉。乞與人間作畫傳。

張地曹見和飲酒數篇復韻答之

若比漁翁別調謔。不將遺響弄陰何。往來釣瀨生春水。

多少歸人着舊蓑。學士有牋飛紫禁。

張東白上疏乞歸

東山無

計謝黃河。

劉時雍修黃河

閑人只謾閑料理。春雨階前草又多。

與世卿閑談兼呈李憲副。

觀前後次韻諸詩真是天才可驅百代而篇篇

扶教警俗不墮風花雪月圖恐讀者未必能知特全錄于此

風光何處可憐生。共把閑愁向酒傾。今日花非前日看。

少年人到老年更。秦傾武穆憑張俊。蜀取劉璋病孔明。

萬古此冤誰洗得。老夫無計挽東溟。

禮樂猶存魯兩生。至今聞者尚心傾。乾坤已正高皇

統。制作還隨漢事更。世情迥與淳風別。山色須看過兩

明。枕底白雲閑一片。直從南斗跨東溟。



酒醒西岩看月生。此懷此夜向誰傾。百年自信官情淡。  
兩耳那聞世態更。露飲秋蘭分楚客。詩連石鼎對彌明。  
五湖煙水能多少。更整絲綸釣八溟。  
午枕清風汗不生。鼻雷打倒日西傾。東西山色移床看。  
六十年光轉瞬更。廬阜白雲真太華。玉臺高閣小朱明。  
丹青若更閑分別。老子江門是一溟。  
草長津南薙復生。陰晴天氣欲相傾。短簷風暖偏宜睡。  
古瑟絃高且莫更。有容艤舟留信宿。呼兒問酒出黎明。  
短衣江畔聊延竚。又聽漁歌徹四溟。  
病裏風光如隔生。泥尊名酒爲誰傾。不將蓴菜還張翰。

世把茅根與率更。松下白頭眠卓午。沙邊赤脚步平明。  
安期久矣無尋處。知在南溟是北溟。  
獨立蒼茫笑此生。瘦筇幾尺也扶傾。新傳隻屨無多售。  
舊濫吹竽亦小更。往往詩囊隨李賀。深深酒餞寄淵明。  
世間未必如公足。山有飛雲水有溟。  
羞將白髮對黃生。信未通前意已傾。門靜客稀偏足話。  
山迴堞遠不知更。鷄鳴桑柘孤村曉。日出東南一角明。  
我欲與君同辟穀。不携妻子住滄溟。

寄外史世卿玉臺

兩崖樹石幾重衙。富貴人間未足誇。到寺客勞元亮酒。



在山泉煮玉川茶高軒倘許重過我多病仍便久臥家  
對月不禁秋思得清吟分付一籬花

病領詞官不到衙老慵無意向人誇四時好景偏留句  
兩腋清風每試茶司馬雖稱題柱客薛公猶在賣漿家  
近來山寺多高興更作詩豪對浣花

城扉半掩更休衙客子山中句可誇階下西風吹落葉  
僧呼童子掃烹茶著書歲晚堪投筆見月宵來定憶家  
記得西甌舊遊處滿船秋雨木綿花

江城吹笛月斜衙回首秋巖寂可誇世外一眠那有夢  
腹中三斗却須茶文衰東漢無高手詩過中唐少作家

笑殺平原趙公子當年毛薛眼全花

得世卿南安書

嶺客歸時一信通匆匆燒燭待開封心知別去千回折  
詩長從來一格工大意天開曾點識前途誰貸阮郎窮  
世間浩浩閑來往除是青山不負公

憶世卿廷實用寄景暘

東西垣竹影交欹坐到芭蕉月上時何處塵蒙春試馬  
壁間苔沒舊題詩一杯脫粟吾將老萬里長風子可羈  
別有樵夫來歇擔晚涼松下一殘棋

答世卿書



報答還山第一書筆端有眼咲談餘行藏付酒君亦醉  
兄弟論文我不如高榻忝同他兩坐西山剛對此溪居  
因君料理安身處多少人間未結廬

寄李世卿

再過湘江踏浪歌一帆西去傍煙蘿家臨漢水心無住  
人到衡山興亦多豈是兵戈愁阻絕不因婚嫁笑蹉跎  
白鷗肯信閑於我也解忘機浴遠波

次韻李世卿雨中

南北東西眼欲連簷頭風雨夜鳴泉天低鄂渚衡山外  
人在江門海水邊愛酒時時同李白論詩稍稍到庭墜

故人解致西山鳳想脫漁簑上畫船

世卿赴順德吳明府之召五日不返詩以促之

今雨相逢聽此譌江門漁父老婆娑紫霞酒斝千回醉  
黃鶴仙人兩遍過遮莫支離親藥裹何曾造次出眠窩  
廬岡準備明朝飯小市津頭蚌蛤多

次韻李子長至白沙

山轉黃雲信脚行西風吹袂五銖輕勝遊自喜多閑日  
衰病還堪逐後生白髮我因何事咲黃河人見幾回清  
看君合伴廬岡睡不獨能詩一技成

再和示子長



名駒千里始能行。何許雲霄一羽輕。半個先天無邵子。  
幾回隔壁笑侯生。幸逢聖主重華聖。遮莫清流徹底  
清。手弄一丸無剝欠。山林廊廟總圓成。  
支離病骨此閑行。搭颯短蓑何太輕。人世萬緣都大夢。  
天機一點也長生。借眠春草秋還綠。偷賞黃花晚更清。  
莫笑老慵無著述。真儒不是鄭康成。

再依韻答子長

樽酒相逢喜欲譎。眼中人物又如何。山光開戶青遶几。  
草色停舟綠滿蓑。東泛與公剛到海。西遊去我莫踰河。  
古今勝負彈棊手。閑笑人間局面多。

聽到人間甯戚歌。馬周無病謝常何。江邊野艇眠依竹。  
日出東山催著蓑。自古或由詩入相。如公真有口懸河。  
山樓盡日同揮琰。花落黏樽晚更多。

衡山和李子長見懷欲過江門

新詩把讀大開懷。久病諸生擬到崖。身上綠蓑都舞破。  
雨中黃葉忽飛來。酒逢菊日何人送。月照柴關每夜開。  
廬阜歸來見束髮。華陽巾好爲公裁。

再次韻答子長

懷極開懷是惱懷。捉君手拍到天崖。杖挑南極星隨去。  
人到西山鳳不來。久坐或聞仙馭過。登高時見洞門開。



誰知山石書題遍。笑倩何人爲總裁。

次韻鄒汝愚陽江道中見寄

後番形蹟落堪輿。我亦人間一腐儒。遺我數篇風格別。  
思。一夜鬢毛疎。未知滿眼誰能恕。可復窮鄉自作孤。  
十二窩中春自在。打乖正坐不堯夫。

弔鄒汝愚

江月無光江水寒。角聲杳杳夜漫漫。孤兒歲月初離乳。  
夫子風流儘蓋棺。身後豈知名可貴。世間長苦路行難。  
鴟夷不亂當年計。還得雲門枕上看。  
弱女孤兒哭作團。歸槎渺渺倩誰看。乾坤敬士此邦伯。

生死交情非長官。遠陌不堪窮望眼。寸腸何直百憂端。  
欲陳薄奠無由致。園橘山蔬領一盤。

清明前二日有懷亡友伍光宇無子

先生英骨莖蓬萊。幽思憑高不易裁。荒歲無窮春易老。  
清明將近雨還來。皇天自失包胥定。泉壤誰與伯道哀。  
尋樂齋前數株樹。月明空有鶴飛回。

代簡答府主伍大夫爲莆田林侍御求草書

閉門一病九十日。小草大草生荒蕪。山癯須愛老狂客。  
府主正逢賢大夫。藥裹君臣眠處有。墨池風雨坐來無。  
秃管已馳林侍御。如今雪繭不還蒲。



寄景星海上

妬花暝雨迷千里。隔水殘紅墜幾車。夢破三更子規鳥。  
香來一樹木犀花。病夫老去頭如鶴。稚子春來髮似鴉。  
海曲傳詩意無盡。更期何處問丹砂。

陳庸被盜張詡有詩唁之因次其韻

三尺龍泉八尺身。書生膽氣欲驚人。亦遣偷兒知我輩。  
還將直道是斯民。風連蜀魄東方曉。雨洗茶蘼昨夜春。  
白舫望君心若渴。清川照我髮如銀。

寄高知縣

下疑河岳上星辰。何處勾連得此身。天子未旌強項。

令督郵多見折腰人。青天白日孤城曉。碧柳黃鸝萬井春。  
澗底菖蒲真未有。堪君服食更通神。

次韻林先生潮連館中見寄

烟村渺渺樹成行。社屋三間是講堂。竹葉林中堪送老。  
菊花籬下又逢霜。膳夫問煮魴魚美。田舍邀嘗早稻香。  
入社撚鬚誰最數。共尋佳句答年光。祖母年高令伯歸。  
白雲丹陛共霑衣。小臣去國身多病。聖主留心日萬幾。  
一飯未能忘補報。百年終是懶依違。白頭恐負垂髫志。  
記得城西就館時。

偶憶夢中長髯道士用一囊貯羅浮山遺予戲作



白清先生文集 卷之二  
示范規

九節之筇手所持。兩年衰病負幽期。香爐瀑布還匡阜。碧水丹山自武夷。鷄犬幾時同馭氣。雲霄無日不支頤。可憐一覺羅浮夢。不記長髯道士誰。

太子少保誠菴朱公歸葬柳陽。適會憲長陶公遣主員陳諫借景暘往祭其墓。遂併以公意作詩贈之。

銘旌前日別金臺。故吏門生安在哉。黃葉孤村荆桂老。青山連騎越香來。人思舊德聞吹笛。鳥避新阡下啄苔。欲了平生功德狀。到時須打墓碑回。

黃金誰問買端溪。羊祜殘碑我解題。一飯可忘公吐握。千秋遺愛廣東西。寒瀧急雨飛濤惡。夜峽啼猿哭月低。不為高堂兼臥病。天涯絮酒肯教携。

次韻吾縣博見寄

黃菊開時霜滿林。山風吹冷薜蘿襟。肯忘沂水歸時詠。也到廬山酒處尋。自得不須言有命。太虛元只是無心。白頭不作人間夢。一笑江門契亦深。

封博羅何孝子廬墓詩卷

春夏誰開發育功。直憑天地閉秋冬。三緘欲了西涯意。諸作還經老手封。活水有源終到海。遊絲無力祇隨風。



肯將吾道千年計。跳入羅浮四百峰。

重約馬默齋外海看山

春風擬進赤泥舟。曾約看山此共遊。落盡忽過三月半。先生能復一來不。不堪老我痴猶在。且喜嬌兒病已瘳。想得渡頭楊柳樹。清陰閑弄釣魚舟。

代簡答黃大理仲昭

先生面目入中年。海曲丹青不遺傳。尺簡豈堪頻問訊。兩京還說舊因緣。餘生可試屠龍技。畢嫁纔消鬻犬錢。九曲棹歌君莫唱。千秋誰和武夷仙。

輓袁侍御

山齋秉燭話同遊。十九年中酒一甌。赤縣敢辭烏府召。江湖先有廟堂憂。諸公不意晨星少。百計猶須晚境休。何處龍川子。規鳥爲君啼恨五更頭。

晚酌示藏用諸友

何處氤氳到此溪。香林高樹望中迷。瘦藤挂月秋山遠。破褐隨風晚袖低。廬阜亦開新洞府。玉臺還是古招提。黃柑白酒誰賓主。不放今朝醉似泥。四人把手過龍溪。一路梅花了不迷。滄海月明三島近。白龍天迥衆山低。客携卷子抄詩草。兒上松枝掛酒提。盡日醉眠崖石上。莓苔茵厚不沾泥。



東溪牽犬過西溪短屐衝烟步步迷秋竹苔深人語靜  
 古壇松冷鶴巢低山花拆去空盈把春酒沽來不滿提  
 咲把長竿弄江月草閣郭索尚蟠泥  
 屋上青山屋下溪溪山何處使人迷岩頭老樹排風正  
 門外垂楊拂浪低東渚曉烟縈舴艋西山夜雨落菩提  
 涓涓却咲三江水未洗巖光脚板泥  
 漁翁向夜宿何溪月色蘆花到處迷蓬背風吹黃葉過  
 船頭浪捲雪山低晚來竿綫殊堪弄老去干戈不著提  
 自有平生烟水分何曾軒冕視塗泥  
 丹青不寫武陵溪只記桃花也著迷芳草獨行山路僻

白雲相送洞門低咲呼竹笠前頭拜交付詩囊右手提  
 風月滿山關不住他時須用一丸泥

得賀黃門克恭書

一封初展制中書萬里遼天見起層何處江山還着我  
 斯文今古正關渠傷心入夜思賢母老眼當年識鳳雛  
 濂洛諸公傳不遠風流衣鉢共團蒲

疊前韻寄迺子諒看未發前氣象却于初學有力

耳日無交不展書此身如在太清居雪消爐燄水消日  
 月到天心水到渠一一園花都傍暖飛飛江燕未將雛  
 好春好伴須行樂東起松根七尺蒲



何宗濂書來推許太過復以是詩

後來鄉里不如前五百乾坤浪數年。何地可扳文獻駕。平生願執菊坡鞭。泰山北斗諸公地。明月清風病叟天。竊比聖門吾豈敢。汗顏窓下讀來箋。

題兩山居士圖為新淦李文光大賈

盤谷不知何處山。君家真是兩山環。萬杯春覆酒遺老。一枕日高天與閑。水墨殘巾藏措大。江湖前夢說邯鄲。披圖一笑逢摩詰。北泝南垞欲往還。

次韻羅冕

高笠短蓑吾不疑。白頭真結兩生知。天生男子非無事。

公是閑人莫廢詩。十月酒多留客久。千峯月朗閉關遲。

夜深自弄江門篴。驚起前灣白鷺飛。

次韻顧通府健歸索和章

山居還有事權無。童子朝朝告水符。我得此生真得矣。公知人懶不知乎。一春花鳥篇章廢。萬里雲霄羽翼孤。惟有白龍池上月。夜深來伴老樵夫。

次韻吳獻臣明府

白雲流出一溪閑。照見人間咲咲顏。年少不妨投筆早。路危須信着鞭難。乾坤許我具隻眼。名利真誰破兩關。千古伏波如白日。等閑猶謗載珠還。



白沙先生文集 卷之二  
送羅服周解館

戀戀三門愧爾曹。不離酒處見揮毫。等閑歲月拋鉛槧，不賣聲名到桔槔。幾個兒童供白髮，一年燈火伴青袍。看花肯續春來約，莫待黃鸝辭碧梢。

次韻顧別駕江門夜泊

雲卷晴波千里白，帆收落日半江明。遙看烟際樓臺迥，不受人間鼓角驚。碧玉偶逢須着眼，黃花已過更揮觥。眼中別駕如君少，傾側尊前接後生。

和景孚遊山

樹底樵歌鳥欲飛，澗邊苔色上人衣。不碧雲洞杳春蘿，合

紫蕨山深舊路微。問我行藏今老大，伴人遊走只童兒。采芳莫道無年少，領得濃香滿袖歸。青雲偶共白雲飛，白雲闌映山人衣。一路風光春淡泊，隔林烟靄晝霏微。江山到我無前輩，造物磨人是小兒。花下一壺休瀉盡，明朝留得送春歸。

次韻顧別駕奉寄彭司寇

有序

別駕顧勉菴聞司寇彭從吾先生得請致仕還莆。賦近體詩二章賀之。謂僕受知於先生者不可無言。既示之詩，尋又以簡來促。因述所聞附其韻為和答之詞。非所欲聞於司寇者也。



二疏誰參漢大夫都門今賣送歸圖豈無經濟酬當  
寧已道頭顱非故吾自古功名關寵辱幾人廊廟不江  
湖木蘭之水清無恙以配先生不可乎

八年春部書復至顧別駕以兩司之命來勸駕用

舊寫懷韻賦詩見示答之

恰恰啼鶯初變樹翩翩官騎忽穿雲盃觴花底香迎客  
鼓笛樓前鬧送君老態一時都共見公歌三疊敢相聞  
白頭空有丹心在北望天遙感戀勤

次韻王樂用僉憲見寄

七十餘年未覺新耽眠猶是向來人春杯斟盡啼鶯外

晚笛吹殘釣渚濱人世謹防開眼錯此懷得恐到頭真  
青山果是無心出何處眠窩共卜隣

靜軒次韻莊定山

崆峒道士出山頻還入崆峒作主人當說夢時都是夢  
未逢真處更求真團蒲坐破千峯月信手推開六合塵  
無極老翁無慾教一番拈動一番新

次韻沈督府見寄

誰是朱陵洞裏人世間此畫合描真一瓢未醉山中聖  
七字先傳筆下神青玉有期看我老紫芝無語為誰春  
還公一岳一萬丈半點飛雲是近隣



不住東南四百峯。鐵橋山淺笑迷踪。喜聞世外無塵地。  
來伴岩頭掛月松。藥鼎便分煨芋火。道人元是賣薑翁。  
先生數上衡山頂。紫蓋峯頭望白龍。

聞緝熙授平湖掌教

書中有改稿  
今兩存之

偶從道路得行藏。南北音書又一鄉。溟海心情真自遠。  
平湖風月可誰將。山中舊坐香根老。耳畔新聲木鐸長。  
衰病未知何日起。扶留窓下正抄方。

寄李九淵

黃花開盡不持膠。更對黃花讀楚騷。江閣影流西日轉。  
海鴻聲引北風高。大寒天地猶堪出。垂老筋骸總厭勞。

嗟我與君同甲子。鏡中誰讓長霜毛。

次韻張侍御見寄

赤松黃石皆留侯。回首丹丘是故丘。明月波間休擊楫。  
白蘋洲上有眠鷗。誰家風雨花無恙。萬古江河水自流。  
百尺樓中朝引望。望中去馬更來牛。

次韻張叔亨侍御宿別

春草江門綠兩涯。隔江人唱浪淘沙。好春剛到融融處。  
細雨初開淡淡花。僻地豈堪留客久。連床端合拜君嘉。  
明朝愛得酩酊別。笑脫藤蓑付酒家。

輓黎雪青



詩草人收味月亭先生何處獨登瀛山雲日暎新墳白  
齋榜空懸舊雪青到了有生還似寄尋思是夢不如醒  
祇應更坐蒲團破讀盡琅函幾部經

劉進盛書來勸著述用舊韻答之

一入商量便作疑。可堪垂老更求知。追陪水月惟須酒。  
管勾風光却要詩。孟子生憂傳道廢。仲尼不怕著書遲。  
青天試問東南上。何處凌空拄杖飛。

揚敷別後有憚

江門春雨送歸槎。破帽排風落晚沙。向暖野鶯猶戀樹。  
感春遊子未還家。山瓶免續沽來酒。草閣空殘別後花。

明日越王臺上望白龍何處杳飛霞

贈趙日新還潮州

千里徵文到此堂。東風歸棹夜相將。雨餘帽頂天如洗。  
花落船頭水亦香。考德每勞休講席。臨流親爲瀉椒漿。  
潮人共守文公教。趙德文章獨擅場。

次韻劉程鄉至白沙

七月紫蘭開我家。是誰醉插滿頭花。千峯有客同文酒。  
三日無錢落畫叉。製錦手將龍補袞。釣魚船載月橫沙。  
人生出處各有意。敢向秋江問去車。

元日有懷楊榮夫示陳東淵



今年酒不對榮夫。來歲東淵對我無。人結靜緣依嶺屋。  
日浮春色上桃符。哀鴻叫月今何向。野鶴穿雲不受呼。  
老得身閑須愛惜。蚤馳虛譽費支吾。

代簡答林蒙菴先生

空山歲晚未逢君。天許窮交只白雲。賢聖中庸非我夢。  
東南風月可誰分。浪求去馬真堪笑。欲報來鴻未有因。  
千古遺篇都剩語。晚生何敢復云云。蒙菴問所著書

次韻興化王太守諸公會飲顧通府宅見憶白沙

聯句

兀兀騰騰且白沙。鐵橋歲晚未移家。子規枕上無人喚。

枳殼江邊有酒賒。萬物有成寧免壞。百年無喜復何嗟。  
漁翁欲語滄溟外。安得諸公共釣槎。

次韻顧通守

到處能開觀物眼。平生不欠洗愁杯。窓前草色烟凝綠。  
門外波光月蕩開。歌放霓裳仙李白。醉空世界酒如來。  
春山幾幅無人畫。紫翠重重疊晚臺。

張生以詩來謁次其韻答之

閑坐蒲團幾個穿。晚留一影畫漁船。日長睡榻千峯裏。  
春近柴門五柳邊。在處雲山皆我樂。後來衣鉢是誰傳。  
諸生莫有登瀛步。愛結而今病鶴緣。



七言排律

王僉憲問一謾述

客來問我一如何。碧玉高樓夜夜歌。廬阜一壺開我酒。  
江門八尺贈人蓑。杏壇多士無顏子。洛下遺書病首科。  
且就王衡觀轉運。那曾珠斗見森羅。古來相遇難如此。  
無怪人間說夢多。

南海祠下短述

虎門千頃雪翻騰。中有長鯨鼓鬣行。看弄漁舟移白日。  
欲拋塵土住滄溟。江西不得誇彭蠡。李白何須醉洞庭。  
天際有山皆古色。水邊無處不秋聲。一春桃李風吹盡。

萬里乾坤兩洗青。畫舫乘空書卷白。晴霞映水布衣明。  
不辭海上兒童識。亦有祠前老樹精。歲歲放歌來此地。  
晚年偏喜不簪纓。



皇清文宗

卷之二

四





